


夏生齋詩續集

卷七之八



07685

更生齋詩續集卷七



陽湖洪亮吉著

五月二十四日抵焦山時望雨甚急卽寄及門于淵  
憂旱兼逃暑來尋三詔山久思忘世事先此掩禪關客  
夢閒中結雲陰海上還延回待吾子同聽雨潺潺  
舸齋圖爲張郡丞鉉題

一舸作一齋一齋包一切半帆凌晨辰雙角貯日月船  
頭日初落船尾月復升三十三重天作舸最上層君前  
好遊山舸恐無所用惟尋九曲溪盪漿抵施鞞

時君將遊武夷

山明年武夷歸舸上可勒功君成地上仙舟真水中龍

更生齋詩續集卷七

一

又題煙波共泛圖

居然一舸有宗風葉葉蒲帆細雨中旣約樵青同蕩漿  
不妨君屈作漁童

岸頭菱芡水中芝一一都來惹釣絲怪底滿湖雲氣重  
魚龍來聽唱酬詩

眼波凝處水生波空裏疑聞欸乃歌第一要防河鼓妬  
莫教縱棹入天河

與覺燈方丈久坐月波臺望雨

禪房深處作吟窠日日山僧載酒過風伯雨師謀面少

海鷗江燕賞心多堆胸自覺雲煙足懸腕能將鐘鼎摩

覺燈從余學篆  
近日已能懸腕  
便欲與君營麥飯不妨兕筭出林阿

移住松寥閣喜張司馬鉉載酒過訪

名山一日居苦復念良友昨發京口書兼求會稽酒千  
頭覓林果雙尾來石首故人今日至餉物無不有仍移  
南寺榻坐對北江口望雨雨不來浮雲變蒼狗

松寥閣夜起

靜欲聽檐漏宵殘不掩關雨聲難破塊風力轉搖山老  
衲夢中麗新詩醉後刪闌干向東折人對白鷗閒

聞吾鄉已得雨喜而有作

昨望圖山外雲濃欲益天果然京峴雨移入北江田沛  
澤三方異時揚州鎮江亦皆苦旱歡聲百里連應知漏湖綠飛到

堞樓前

夏生齋詩續集卷七

二

自然菴久坐時適得伊太守秉綬札却寄一首

夕波亭外夕波流遠景都從一鏡收龍欲欠伸時出水  
樹因拳曲易遮樓宵深尙有穿風燕晴久誰聞喚雨鳩  
滿地秧針栽不得使君宜爲衆生憂

觀音厓晚眺

如何春夏交已覺陵谷改都因三時暘減却半海水桃  
花洲外望海門一綫落日黃雲昏半林烘晴半林濕蒸  
得蟲蛇樹頭立

江岸晚步

廊長偏覺影輝輝倚徧闌干十二圍一鵲出林呼暮雨  
萬魚噴浪送斜暉挑燈讀史心猶壯隔浦招人手屢揮

半响小樓涼意重夕帆爭帶濕雲歸

挹江樓贈海峯僧

太常齋日已全虛尙向僧房乞半居莫更分他嬾殘芋  
綠蔬青韭伴黃魚

愛從閣上看回波五度來遊鬢已皤我與山僧苦分謔

周妻何肉累人多

戲調瀛洲僧

三鼓上月波臺

晴江艷作桃花色非日非雲滿天赤東南蟠螭環若宮  
中復百頃霞光紅月波臺上三更立望雨得晴心轉急  
何策起此眠江龍急雨一日傾江東

焦山有懷阮巡撫元兼寄孫兵備星衍山東

更生詩續卷七

三

持節多年尙黑頭偶然居里小勾留重開鄭許談經席  
別徧隋唐注選樓臺室課徒成後起蒼生望爾欲先憂  
廿年兄弟都零落

謂張彌修錦芳徐州守嵩諸人

目斷揚州與兗州

月波臺聽天台僧悟清彈琴歌

一僧飄然出空谷攜得天台石梁瀑飛泉千丈瀉入琴  
指下流水聲溶溶神龍去今一千載

琴係唐神龍二年製背鏤玉振二字

玉振金聲出琴背琴紋細碎指纖削七尺蒼龍壳初退  
大絃濕露么絃風迎雨欲過滄溟東琴彈一曲續一曲

太古夢欲醒焦公大聲搖波復搖嶺能使枯僧發深省

瓊臺赤城接太清歸日彈與天公聽

王秀才豫攜所選羣雅集過江見質率贈一首

有客攜舟至飄然指海東詩徵蠻嶠集中有編外甸國人詩人老

選樓中天地此清氣谿山饒古風抱琴僧復至應許賞

心同

北固山房訪石雷僧

瓜步濤聲到此回寺門遙對象山開煮茶曉接雲頭露

破夢春喧石脅雷古佛一軀全點黛枯僧百念總成灰

原空如燒剛如炙何日江神送雨來

六月初二日登北固山凌雲亭追念舊遊感而有作

凌雲亭既成多景樓復圯極目海東頭迢迢百餘里圖

山作案君山闕想見尖山在天末新涼吹衣上切雲可

惜天南少新月危厓下瞰色已昏數石裂作龍鬪門蒼

更生齋詩續集卷七

四

然萬仞積黑鐵遠勝互父山無根瓜洲縱近何由見如

火斜陽壓波面山僧知我欲少休竹裏先開水仙殿浴

江正演北府兵足底搗鼓聲如霆渚鷗驚向海門去一

點白入三山青浮雲白日眞難待卅載賓朋復誰在乾隆

甲午袁兵備鑿冥客于多景樓今在者惟應司訓澧與余二人天上神仙亦白頭蒼松

一一皮皆蛻石帆木末多景樓改名木末又改名石帆名紛紛閱盡世

代留煙雲焦公高臥一千載詎識伐荻新洲人艮山門

外塗如織却取江干大堤直看山已了復看江百頃荷

花好顏色時浴堤荷花感開

爲友人題陽關送別圖

臨歧莫灑淚潺潺此地稀蓬客往還一把宿烽紅似血

妖狐啼上古陽關

長城高與亂山齊故里從今信馬蹄已覺夕陽西面少  
烏孫還在夕陽西

陽關門與玉關門余少日太宜人嘗口授唐人斷句百首少日傳詩有淚

痕匹馬昨從嘉峪入逐臣孤子倍銷魂

舟抵太平雨過戴學使聯奎留飲白荷池上

一白皆如鷺橫塘半畝花偶然成夜飲相對惜年華篋

展前朝帖時觀姑熟帖舊搨賤餘故相麻懷衮樓下舊有梁文定公柱榜漫嫌

絲竹宋城上有官蛙

得家書知侍姬鄭氏亾耗

彌留何所道苦憶耶孃老誰識路七千哀哀此愚孝

更生齋詩續集卷七

五

彌留何所苦但苦兒女孩孤魂諒難安矯首登泉臺

若人何所長心志靈專壹事我十五年無時念中櫛

若人何所短哀至卽欲哭黔越本異鄉誰能識衷曲

夢入所居小樓復賦一首

六十衰翁淚不流獨憐三十未平頭時鄭年二十九重來煮茗

焚香地合署遺簪墮珥樓我老羹湯調最潔兒癡衣履

製偏周沉思一事差餘悔不遣渠儂返本州姬苦念父母時時雨

泣余憫之擬送歸黔中苦無便而止

七夕感事

繙書纔了坐城根瓜果筵前薄霧昏欲向桑田尋妙子

肯從榆岸望天孫長愁久已非人境短夢何因到鬼門

尚憶厓橋西畔路露涼雲淨爲開樽余從黔中報滿入都時全家南下惟

姬隨侍

北行

讀北史偶成

劉松製碑銘思道難了了思道既讀書爲文松不曉信  
知學益人飢者待之飽明明愚與智一日互顛倒詞章  
尙如此何況窮理道百事且勿營扃門讀書蚤

倖臣值雩祭喜當見眞龍庸人欲刑人澆手逞厥兇始  
知不學人想出思議中許情祇繁須呼作長鬣公涉學  
既不深意見多雷同吾慕袁季祖涉歷無不通一卷字  
釋成可配許叔重

消夏十絕句時校南北史

更生齋詩續集卷七

六

有鵝欲換書甯取義之媚不學兩道流後先工作僞  
人相扶爲王土相扶爲牆不意尉阿眞亦復通偏傍  
文章有緣起何似撰物祖仍聞奇字多盍作倉頡詁  
青旣可出藍藍亦可出青不見師孔璠轉問弟子經  
光祿作庭誥黃門製家訓一姓南北朝庶幾稱二俊  
我欲呼明月時爲敕勒歌棗枝纔廿束反具抑何多  
傳永年八十自號六十九嬰鑠哉此翁志已可不朽  
庫狄逆作干王周先寫吉文吏愼勿嗤彼乃刀作筆  
強于子昇文何必更發誓胸中兵甲多日尙服棘刺  
魏收偷任昉邢邵竊休文若欲推逋峭吾欽咨議温

兩急諸

余十歲時隨吾母至城西訪適王氏姑

時姑之夫卒  
吾母往唁

晚值急雨吾母肩輿歸屬親串家嚴嫗偕余步行嫗  
本不識路昏黑中誤行三四里至北郭乃返及抵外  
家雲溪老宅鼓已二下吾母率諸姊尙倚門以待時  
寒氣沁骨冠履盡冰母姊互以衣覆之夜半始甦嚴  
嫗以是中寒不數月卽死今五十年矣回憶母姊煥  
休之景尙若在目今夕坐敬亭山館樓下人定後雷  
電急雨申掌不及見指一如雲谿始歸時念舊感懷  
不覺淚下因作此篇以志明發之慕云爾

天已黑電轉青雨傾盆走不停嫗癡不識途誤走入條  
街雨淋人頭雷逐人踵兒何不歸勞母倚門解兒身上  
衣就母懷中溫傷心五十年舊事常在目兒寒兒煖誰  
復知却倚茅檐夜深哭  
十八日甚暑舟泊澄江閣下

秋雲紅似火燒此三間閣却買一葉舟來從閣前泊江  
鄉三月旱竹樹亦蕭索村村人意擾預恐歲收薄愁聽  
乾鵲鳴時從屋頭落

發水陽鎮雨

一程天路黑百里水光青魚欲飛煙際禽偏入客局電  
光隨意掣蘋葉點波聲客唱誰能和聊煩野鷺聽

雨行三十里至烏溪

濛濛百里江罩此一天雨日晚抵烏溪烏溪黑如許樓



臺杳難見煙外出人語前行復千步帆重愁不舉已有  
鴻雁聲延回感羈旅

舟泊黃池

敬亭山下雨迢遞到黃池路暗誰人識衾寒獨客知出  
林秋氣重拍枕漏聲遲正欲回殘夢涼蟾逗一絲

舟行過青山

五十年中過幾回雙峯如翦向天開猶憐剩水殘山路  
瘞盡三唐六代才高詠未妨懸日月荒墳應不長蒿萊  
千年俊骨知難朽我欲然犀夜照來

二十一日偕胡孝廉世琦并挈兒子符孫登采石太白  
樓

江南山色連江北截浪一山名采石濤頭盡向牛渚回  
激得巖洞聲如雷初登蛾眉亭復上仙人樓此客亦是  
非常流舉酒對坐樓西頭君不見溫驃騎然犀只欲照  
厚地又不見李謫仙舉觴只欲浮青天才人思議誰能  
料九地九天都欲到水仙山鬼皆娉婷曼綠欲鬥蛾眉  
青衫披薜荔襪苔荇來往倏忽同湘靈君不見歷陽湖  
沉寃鬼多四十萬衆思凌波江南山小容不得送爾魂  
魄歸滌和畢竟樊若水何似虞允文一拒北來客一引  
西江人殘唐南宋竟何在令我轉欲思梁陳江流逾窄  
山逾峭山脚盡堪窺與窵新涼趁此風色佳明日聽雨

來秦淮

三元洞

石腹裂一綫中驚孕枯僧人行腹上頭已有龍氣蒸山  
雲接水雲自此始上升有時拜浪豚高瞰樓三層蒲團  
坐經時所見得未曾歸路欲少休扶此石罅藤盤盤青  
雲梯鼓勇仍先登

自板橋泛舟至青溪感舊

三十三年鴻爪痕

余自甲午應試至白門三十三年矣

板橋南去萬花村

山松園裏時聯句

謂袁大令枚

水竹軒前對舉樽

與黃二尹景仁寓東

花園剩有冷香燒柏葉絕無情劫問桃根茫茫六代江山  
裏葬盡詩魂與酒魂三十年前舊友十無一在是以云

將挂帆北歸復約胡孝廉世琦莊上舍軫姚椿趙學彭

更生齋詩集卷七

九

顧翰姚樾四秀才莫愁湖小集率賦一篇為別

內長干北手將分尚有餘閒付薄醺地迴乍開名士讌  
天空都幻美人雲全收海上魚龍氣錯認湖頭鵝鶴軍  
三百年來棋局冷小樓猶復帶斜曛

聞汪郡丞端光訃為位哭之并賦二首後知誤傳而詩  
已寄去因而不削

七尺軀何偏含萬古憂事徵新樂府官僅古蠻州天

上愁難寄人前哭未休三汪君最壽

明經中太學錦與君稱三汪惟君年

至六甲子乍能周

卽君都領解老子始顏開

君十上春官不第前歲兩卽君同舉京兆試次君復聯捷

入翰畢竟百僚底沈埋一代才遇同昭諫塞賦比子山

哀天亦零愁雨江南色死灰

復得二律

南荒薄宦說三遷

君連攝同知通判及三府事

西海歸人已八年九

日正欣風雨集

余庚申九月七日自戍所歸里甫二日君即赴任廣西迂道過訪

一樽

長判死生筵心期不逐時今古蹤迹會同路萬千腸斷菊花籬畔飲哭君仍在此花前

斷緣零紅盡可傷故交  
後故姬殤何妨楚些歌  
三疊算抵浮生夢幾場  
西望最憐雲黯慘南歸愁見月昏黃  
招魂續魄都閒事且向風前進一觴

泊舟江口三日

三百舟同雁字排半程先已隔秦淮  
舵樓兩夕縈清夢

更生齋詩續集卷七

十

燕子磯南十字街

泊舟處距磯尚六七里

欲趁空江月露微石尤風緊宿危磯  
但須幾點雲頭雨惹得鷗茲拍岸飛

炎暑

炎暑尚未退時時欲追涼何因流火月  
蟋蟀已在牀沈沈紅蓼花時點螢火  
光屈指節序遷開篋求衣裳頗感侍側人  
昨病今已亾孤懸匏瓜星照此織女房  
他時砧杵聲令我心徬皇

江行

五色霞紋好時看紫翠零真如女媧石  
一一補天青萬綠冥濛內朝暎一綫紅  
誰公山不見海霧霽三重

曙華臺八月十二日坐雨

城北原南日已曛雨絲偏欲灑鴉羣憑誰畫取昏黃景  
濃墨天光淡墨雲

中秋日曙華臺獨飲醉歌

蠓蛄弔客啼清露天上人間事無數惟有樓頭酒一杯  
酒魂喝月空中住連宵急雨今始收意外復得晴中秋  
樓頭人去已三月月采故向空房流曙華臺邊月初出  
照到夜臺應幾刻魂孤魄冷不得眠望我樓上宵開筵  
十六日同人橫舟亭訪桂并飲花下

黃雀未登俎黃魚先滿盤芋魁菱角間梨栗餅與明月  
同團樂橫舟亭前花色絳香氣籠舟復籠巷城東風日

更生齋詩續集卷七

二

清且妍一城人盡來花前看花人多酒人少日把金尊  
藉芳草辛夷醉後醉木犀玉局堂前玉山倒城頭暝色  
僕馬催窺客共向僧龕來花窗人面疊升降露砌鴨脚  
時表回此時一杯復一杯圓月影向波心開前宵初涼  
此宵熱急雨更當飛十七明朝泥滑不出城留醉更生  
齋畔月

題虎邱倉頡廟圖

一片生公石先疑造宇臺八州稱地勝四目向天開柱

訝寒門勒

溫都斯坦有石柱上勒寒門  
二字相傳爲倉頡公所書

堂應沮頌陪千

秋崇廟食留配秣陵隈

江甯雨花臺  
有倉公祠

偕趙表弟懷玉球玉近園訪桂并飲花下作卽呈近園

主人

得月軒前路尋常作酒場偶然攜短趙復此悼三楊

大令倫白玉團秋露黃金挺異香因君池館美令我憶

昆季橫塘青山莊煙雨橫塘尤檀迦壑之勝

跋明鄒忠介手書所製趙文毅傳後爲文毅七世孫同

鈺秀才作

元老心肝死明廷血肉飛兩公明大義一疏蹈危機獨

鼓無前氣同披短後衣至今泉下夢猶是繞綸扉

過言子巷

古風真未遠一卷尙絃歌不是東南彥誰開文學科世

傳千禩速海近五雲多欲謁先生墓慙由曲徑過

更生齋詩集卷七

十二

破山寺

茲菴名破山石破雲亦破石裂出一泉曾經老龍過丹

榭三百樹天上異香墮聽泉兼撫桂靜向門隙坐食竹

亦得肥林梢竹雞大

拂水巖

陽厓旣已傾陰壑亦漸改惟留蒙密樹秋雨暗如鬼沈

思百年上侈此池館美甯惟玷朝籍兼辱雲與水念及

華子魚臨流發三嘍

劍門

萬石積一厓中劣僅通谷巉巖相湊處彼此厲鋒鏃蒙

蒙青氣弔天已成劍積仍愁巖壑暗別豁天兩目

謂東西兩

湖  
欲究海上奇紆行入厓腹

吾谷

千株松折腰十樹柏拉項何時生道左作此送迎狀伊  
惟巖壑勝悼歎昔人葬冥冥楓柏赤作此屋頭障紅始  
梁一分先同夕陽抗

自城北登虞山日晚始抵城西

我從城北來城西正中日影已漸低琴川七道響如箭  
日月湖好分東西言游夷仲兩高臥冢柏高與浮雲齊  
何應尙父亦來此世去已遠愁無稽東皇里接太伯冢  
一縣已判東西姬澹臺南游亦會到吾道東矣嗟宣尼  
奔車我已愧伯夷撫劍切莫談要離千年遺事若轉瞬

更生齋壽續集卷七

三

海色黯慘山低迷人行深竹苦寥宋怪鵲飛上山坡啼

吳卓信文學出所補三國表見示并同遊虞山率贈一

篇

九疊龍山四面遮爾姬家共我姬家

古老相傳周封太伯于吳以梅里以

東爲爾姬家至我姬家則周人自謂也

途分姑蔑東西遠表補黃初歲月

賒勝地未妨接蠹簡

時張上舍海鵬出新刊吳地記見示

幽巖仍與報峰

衙遙隣一片東湖水松影溪光似若耶

長眞閣贈孫吉士原湘

我到長眞閣仍披短後衣酒容添桂馥詩老遜松肥雨  
過千巖爽年衰百事非

三十年前舊友無一存者

惟祈賞心處爲我

築漁磯

自崑山至嘉興道中

飽食虞山鴨難烹笠澤魚靜繙吳地記間過陸家墟水  
白穿淞泖雲紅接闔閩語兒鄉已近煙雨眺清虛

李太守廣芸邀遊煙雨樓卽席賦贈

龍華會上說齊年賢守開樽讎請仙氣煖尙疑春似夏  
天空都覺雨如煙半生斷梗隨行跡九月疎花抱客肩  
應是使君清興永夜闌更鼓動離筵

嘉興懷古

飽看虞山萬樹楓秀州城外趁帆風功名蠶種成何事  
壇坵王朱竟孰工蠅螻下垂天乍暝死央飛盡水連空  
漁童拍手樵青唱收拾煙霞入釣筒

初六日早渡錢唐江

凌晨翦空江一塔耀初日微微丹揮香冒此半塘出新  
涼滄海上帆影挂清切仍因雲慘淡致釀雨凄瑟一响  
南屏鐘聲從樹頭沒

蕭山偕同年王進士宗炎登北榦山久憩松風古院

稍離市廛囂白鴿導前路言升北榦嶺已遠西興渡浴  
回此江水去海祇千步竹柏皆有田殊堪愜心素攀援  
松樹頂尙有隔宵露溽暑苦未除是日甚熱僧房久延伫

初七日自觀巷放舟訪陳博士石麟卽同出郭至快閣

清晨檐漏停十里水雲濕濛濛放扁舟未欲攜蠟屐紆  
回穿瑣巷訪友市橋急嵐光方欲逗暝色已追及一隊

出郭鵝斜陽影中立

快閣追悼謝太守肇洙

三面窗櫺絲雨浮依然秋水接天流  
仲翔死後蒼蠅弔不及先生有白鷗

誰憐三載客重來一徑青松掩綠苔  
依舊半樓新月影夜涼空掉酒船回

小雲棲訪廣持僧不值

空腔老樹欲留客行脚道人先出門  
天黑欲浮蒿壩雨地幽真擬曲江村

寺前湖水灣絕似西安曲江村風景

投荒居士偶來此

浴海詩僧幾輩存

昨在西湖湛谷小顯二僧皆以詩見質

飽啖鏡湖菱百

角不妨終日坐雲根

更生齋詩續集卷七

五

陳博士石麟濯足扶桑圖

欲覓仙人濯足方落棠屬我爾扶桑  
尤驚世外煙波濶轉訝閒中歲月忙  
出海五雲然似火浴波十日沸于湯  
微寒沁入天河水不覺銀光徹骨涼

偕陳石麟博士廣持上人暨諸同人遊石屋寺二首

香爐峰底路九折復入折一泉纔已渡  
又見一泉出流青頻礙帽飛瀑時噴  
鼻林風篩蝶粉巖雨潤蜂蜜顏光  
傾木杪寒氣生石骨精藍排東西壑  
谷厯切突矯首望後來時從石亭歇

一屋貯一佛佛已無地容爐烟裊如  
絲抱此香爐峰延回升層臺天遠水  
亦空遙山裂東南雲樹復百重甯止



青氣周生翠流不窮冥冥一谷烟已把樵子封石牀何  
高寒早絕禽鳥蹤與佛共坐忘久久聞齋鐘

天池歌示陳秀才鴻熙

我尋天池源當在天河中藉此日月光呼吸自可通昔  
居天池生今屬鳳池客君家兄弟皆不凡日向喬林修  
羽翻秋花下映秋池邊飛魚一雙欲上天池中夜半月  
初出往往來浴秦時仙主人愛水日頻倒三面高樓復  
環抱開窗看水水色空容我臨流一長嘯

題周學士長發遺照

才名我本愧三洪視草尤慙周益公今日卷中尋舊跡  
風裁先喜覲髯翁

夏三齋詩續集卷七

六

豪筆時趨香案邊偶然落紙盡雲煙萬言誰比枚臯捷

只有南華第二篇學士詩文敏捷與張南華  
詹事號二髯又稱雙絕

世德堂前瑞露滋五株金粟豔當時蠻坡世澤真能繼

又值郎君折桂時學士曾孫逢吉有文譽  
明日將揭曉矣用及之

重九日放舟至錢清江高秀才第留飲賦贈一篇

把臂真憐識面遲廿年頻過習家池余十年前過此  
即知秀才能詩重

經萬七千餘里始讀高三十五詩青筇綠簑追往事君  
配

孫氏亦  
能詩金童玉女豔當時中郎亭外重陽好四面雲山

酒一卮

舟行錢清江甚雨

欲向雲門寺裏遊渡江先此小勾留嫩晴兩日登山展

急雨三時下瀨舟帆與野鷗爭泊岸客隨征雁偶登樓  
黃花籬下無消息拭目東南起遠愁

時甯波尙有洋匪

### 柳城橋登高

一村四面水迢迢古塔先經劫火燒却恨遠山皆十里  
柳城橋上小登高

### 廣持僧以憩宋圖索題

已久安禪宋東坡居士知未能忘綺語法秀道人嗤悟  
微色香味工兼書畫詩披圖見松影憩我亦多時

### 金鼓洞訪倪上舍稻孫值道士留飲

石林既生煙金奏已輟響寥寥爨火紅斜衝白雲上道  
人能釀酒邀客坐秋爽倪生書畫癖時有雲際想

時上舍欲

葉家爲道士余與同人力挽之餐芝纔一月頗復厭吾黨我行思挽駕

擊以赤藤杖老雀忽若鷲穿林亦孤往

### 南屏訪小顛僧卽同至湖上薄醉

小顛實顛僧頗復厭蔬素齋廚三日淡對客噉然怒素  
心吳與項時爲致乾脯堆盤雖大嚼把盞僅中戶昨宵

湖上飲醉倒已無數徑買一艇歸孤眠白如鷺

飲城隍山高眞觀夜歸卽贈項州倅埔

時寓項宅

高眞虛閣敞玲瓏三面居然入望中半嶺斜陽半湖水  
一城暝色一江風曲屏偶與黃壚隔古井偏驚碧海通  
莫訝夜歸程七里茅庵時借佛燈紅

### 秋盞

秋盡江干雲水溫  
幽人家近傍山根  
潮平月落關窗望  
已有載花船到門

哭徐刺史書受

時靈樞甫歸里

幾年消息盼歸輿  
薄宦緣知橐久虛  
筆陣已堪追二李

門風真可號三徐

君與從兄太守大榕族弟刺史鏐慶皆有詩名時亦稱三徐

難忘

舊事中州集

君與諸同人及余有中州唱酬集

苦憶平生下澤車  
今日

哭君情最慘故交羣  
從盡邛墟

謂董州守熙昆仲楊大令倫諸人暨君兄弟日

癸日桂日杏諸人

自蜀山抵烏溪

萬頃靈湖雨飛來  
南岳巔四更微  
有霰一氣散成煙  
壘

港收斜月重衾隔  
夢年夜烏啼未已  
愁絕客難眠

宿烏溪

一夜烏溪宿寥寥  
聽轉更露濃雲轉  
淡魂斷魄初生

醉歌

時宿宜興郭外

我昔謫昆侖  
邛美人望我西海頭  
日落不落先含愁  
我昔泛滄海  
舟美人期我東海頭  
初日未出先登樓  
我會攬三山  
我會浮四瀆  
逾期而不歸  
美人兩兩兮爲余哭  
我今遊兮海虞山  
飄然往兮默爾還  
誰復與我歌刀環  
我今遊兮越江曲  
早潮初平葦潮續  
誰復金錢爲余卜  
甯隔萬仞山  
莫隔一寸棹  
隔此一寸棹  
永無覲面期  
甯阻于重洋  
莫阻一層土  
阻此一層土  
與爾睽違極終古  
望夫無山望婦有灘  
大婦小婦兮邛壠  
同彎環不見善

權洞洞外松楸悉成家冢歌無聲兮先欲慟又不見祝  
英臺臺外三尺皆蒿萊飲酒不樂令心哀烏呼嵩華爛  
滄溟枯此時與君得見無噫吁嘻天長兮地久我倘思  
君兮不朽

憫災

三十四州內奇荒只數州

今歲江浙三省皆旱荒而此  
准揚常鎮四府爲尤甚

方當孔道民氣獨含愁靜覺萍蓬轉貧無籽粒收自慙  
難補救空抱杞人憂

四安鎮

兩地舟車集人囂市語曉最憐今孔道或卽古南江白  
萊朝趨市紅雲夜染窗漫言流已斷空際響淙淙

道中所見

更生齋續集卷七

九

一庵支絕壑三面塞荆榛時有太古夢應知出世人白  
雲生靜牖黃葉裏閒身隔岸便多事勞勞起麴塵

廣德州濯纓橋

片帆昨趁朔風飄目斷靈湖百里遙已覺麴塵生袖底  
半時愁過濯纓橋

蟲聲

已識百蟲性時時傍砌聽雨浮三徑白月界半天青侍  
女花空豔王孫草不馨吟魂究何在墻黑霧冥冥

山徑晚步

秋聲不遣過溪橋幾日風寒木盡凋望裏縱教天路近

白鷗無夢到雲霄

冬日寓興

嚴霜入山骨一夜千林空山形雖至剛柔能入其中志  
節非敢摧奈值節氣終君子于小人時亦示有容庶幾  
不滯疑推遷乃無窮

一巢千年松十日飛不落誰能奈高寒伊惟此孤雀猶  
欣毛羽厚未畏霜霰薄矰繳雖滿前難逾百重壑君看  
籬下鷄自詡今有託育子亦已勞驚心火燎幕

三冬無春容賴此萬紅葉甯知不逾瞬豔色亦遭劫回  
皇二里內影已失胡蝶氣數難與爭飄零踵相接幽人  
北窗臥一夜響重疊曉起望亦驚高空排雉堞

更生齋詩續集卷七

子

今年歲序荒赤地乃逾半澄江一條水涸出南北岸螟  
蟲災復繼何止夏秋旱哀鳴感蜚鴻太甚詠雲漢貧家  
柴一束價已至無算稍喜落葉多堪供夜吟案

一氣

一氣之中候復差水仙開後忽山茶無心久比空腔樹  
有榦終殊沒骨花未覺後時輸竹柏不妨異種類蓬麻  
冬窮臘斷君須記莫向春前訝歲華

天竹

纍纍秋實動須扶迥異人間十八姝閱世既深欽碩果  
看花到盡得明珠三時始覺朱顏綻一斛誰將紅淚輸  
連夕海南風信緊錯疑蛟國欲催租

螢火

憤點紅窗六曲屏  
暗飛先繞綠莎廳  
光來冊府搜奇字  
影入天河混小星  
電火掣時應暫息  
雷塘荒後感重經  
浮生變化真難定  
轉眼楊花亦作萍

蠟梅

孤高不耐入濃春  
染盡冰霜未染塵  
三友齋中先挺節  
百花叢裏後周身  
素心詎愧忘年侶  
黃幘終疑入道人  
悟徹舊歡同嚼蠟  
許從窗外久橫陳

蒼蠅

觸屏縈帳日千回  
一物爭傳出敗灰  
但使后妃能自儆  
無須宰相問從來  
三更白汗揮成雨  
六月朱門響若雷

更生齋續集卷七

三

莫學廉公善遺矢  
肉中蟲已暗胚胎

詹明經聖春以天寒翠袖薄二句繪圖寓已寥落之意

屬題二絕

一郡千家僅此儒  
窗前帶草亦齊舒  
要同秋樹根頭例

日日扃門讀異書

日暮天寒景逼真  
幾時乞得畫中身  
須髯似戟緣何事

却倚修篁學美人

金陵懷古十二首和胡孝廉世琦

面面煙巒曲曲池  
笙歌盈屋酒盈卮  
新詩玉樹開金縷

韻事桃根迄柳枝  
城闕易成偏霸地  
江山剛稱夕陽時

閒從九級浮圖望  
六代風光影一絲

長干飛絮復飛沙到客畱心記歲華王謝事難瞞舊燕  
齊梁朝已變空花惜無錦陌堪攜酒剩有閒坊可鬥茶  
誰似故侯能憶友新涼先餉綠沈瓜

一半塵埋錦繡堆梁間燕過亦裴回萬枝燈外千秋颺  
丁字簾前甲第開終古未醒樓上夢到今猶剩劫前灰  
茫茫八代歸何處畱得荒城畫角哀

季漢殘唐七百年鍾山王氣果綿延猶餘舊內零星地  
想見新愁落月邊響憶墮釵逸客聽步因刻襪得人憐  
臨春結綺皆消歇井畔胭脂色愈鮮

琅邪古郡逼龍潭如夢江山屢駐驂北府會聞起劉裕  
西州何處覓羊曇才人豔曲春燈謎逸客哀吟秋雨龕

三復桓公腸斷句樹猶如此我何堪

石城虎踞復龍蟠不值先生冷眼看但使耿仙畱指爪  
何須叔寶有心肝午鐘已隕遊仙郭夜讌誰窺狎客韓  
畢竟舊時金粉地清涼山月倍清寒

一桁青山六代宮興亾都在水聲中杯深尙浸前朝月  
樓小難禁昨夜風真主幾時浮渡馬小人何處辨沙蟲  
新亭西望誠多事不敵江流總向東

無處池臺不館娃銷金窟是古秦淮三層樓接雙文宅  
一曲谿藏十字街高樹隊中防礙髻小桃花底備兜鞋  
浴門蛺蝶多情甚故趁東風上玉釵

開徧槐花舉子忙浴街曲曲轉長廊香生狎客題箋巷

塵起官家賭越岡，攜履慣穿通德里。繡書先到大功坊，  
今布政司街即明大功坊也。秋試時書估皆集于此。永甯泉水尤堪品，已有園南  
芋栗嘗。

谷號流觴澗響琴，風光處處耐幽尋。內人北去青衫濕，  
小史南歸白髮侵。空笑沈三雷聚寶，何曾秦始肯埋金。  
澄心堂紙庭珪墨，只寫淒涼亾國音。

淮流縱復接江湖，不及青溪水色嬌。幾日暖風陳百戲，  
四更涼月走三橋。閒中池館悠揚笛，夢後樓臺宛轉簫。  
屈指好天將造榜，一行新雁趁歸燒。

項羽重瞳局總輸，湘東一目竟何如。翻因谷變陵遷日，  
轉意兄肥弟瘦書。三國赤烏難再見，六宮黑青未全除。

西山一片朝來爽，畧遣幽人倦眼舒。

東坡詩續集卷一

三

諱曰

三十年成世兒孤，一世餘最憐。今夢寐猶繞舊門閭，松  
柏墳應古蓬蒿宅已墟。典隆里舊宅今已圯。趨庭真不遠地下侍

親廬

志事將竣欲別宣城率賦二篇

兩年久住秦箏閣，閣上秦箏杳不聞。夜半敬亭山月上，  
時時新鬼哭秋墳。

誰人載酒辯遺經，枉築城西問字亭。只有一篇窮鳥賦，  
半程相送眼偏青。甯國縣道生基家極貧而頗向學瀕行相送獨遠。

南湖卽事



曲港誰人打水圍南湖初日漾晴暉心驚歲晚風光暖  
楊柳全青客已歸

最憐烏柏及丹楓不入東風桃李叢却爲一春顏色淡  
歲寒偏與十分紅

蠡河感事

此身餘此恨恨尙繞通津行作稽山土虛摹洛水神絮  
花空有影羅襪淨無塵欲續鷺鴻賦春非昔日春  
王明經祖昌自新城二千里以詩見質率贈一首  
二千里外片帆遲訪我柴門歲暮時歷盡九州山水窟  
吟成一卷性情詩唐衢似爲生靈哭王濟猶嫌臣叔癡  
西望關河水叢少塞鴻歸計尙須遲

榆無皮歌

榆之皮兮云以療飢嗟榆之皮不足以飽烏乎人飢難  
充木先槁昨日嚴霜路旁倒

蘆無根歌

蘆之根兮云以給殮嗟蘆之根不果人腹烏乎蘆花茫  
茫兮空滿目明歲哀鴻欲何宿

營田廟賑局得暇校竟叵友錢大令維喬詩感賦二律  
滿目哀鴻苦民生漸不支兩年懷舊淚一卷斬新詩鄭  
俠圖空繪唐衢哭亦癡最憐原野赤宿草亦難滋

舊友雲溪上黃錢管最賢眼皆高一世曾已擅千年地  
下詩成國人前句欲仙此身慙後死者舊尙重編

惠山山樓卽事

水國忽無水山樓不見山蒼茫攜客棹寥落訪禪關以  
此三方旱難謀一昔閒惟應潭上水照我鬢全班  
乍覺天光歛重陰雪未飄更攜居士屨來訪伯通橋一  
世誰先識孤生愧後凋酒闌燈炮處寒意入詩瓢

品第二泉

一酌天宇白再酌雲光元三酌暨四酌陶然復陶然泉  
水日以潔我心日以憂願此一勺泉直接滄海頭化爲  
天半雲飛酒東南州歲宴縱不豐庶幾麥有秋  
賑局二生行贈高星紫瞿溶兩秀才

高生乍展療飢術卅萬人從筆端活瞿生復檢續命方

腕底奕奕生春光君不見冬窮氣暖猶流汗日昨官河  
已先斷連屨何止米價昂飲水都復成泥漿三秋不雨  
三田白日午黃塵盆如織閒心檢點豆黍苗何止無禾  
恐無麥愆陽不已將愆陰感召一一由人心周宣旣製  
憫旱什杜交倘有憂時嗟

九重詔下眞寬厚加意災黎及春首已看四野散膾黃  
復見糧舟截江口一方所幸守宰賢爲衆禱雨祈豐年  
連宵地脈頓蘇潤滕六昨已飛檐前諸君旣爲民命請  
瑞雪先從寸衷逆沉思天譴何以煩俗薄先祈自修省  
我爲二生詩聊抵春陵行元之號作救時相始亦不過  
貧諸生二生二生努力矢厥誠始慎終怠將無成

喜雨詩 十二月二十一日

嘉平月下旬檐漏忽奔突一寸二寸多千村萬村活沉  
思蘊隆象已逮三百日朱門食肉者半作道旁骨飢寒  
剝膚慘又恐成疾疫三州牧民吏補救苦無術感此造  
物仁頌霖歲將末濃陰三日徧始復致滂淖赤膏天上  
收青針地中出神漿旣飄盪地脈始疎發雨師風伯奮  
無更苦旱魃濛濛仍不已定補臘頭雪茅舍傾一樽聊  
爲萬民悅

二十六日文昌閣偕縣侯放賑詩

凌晨入廟門香燼尙未冷伊誰相晤對植立一銀杏經  
旬三次雨民已萬千幸縣宰遲未來飢民久延頸虛疲  
縱闌入何忍更施槌泥塗及流潦老弱盡扶縷提攜屣  
及病衣敗不獲整因茲天譴厚戒諭各修警日午人始  
闌虛堂逗晴景却忍半日飢吾心亦先省

小除日卷施閣祭詩

賈尉詩名盛黃金鑄此身可知無佛處或有謫仙人與  
爾千秋隔憐余萬首新高寒一杯酒聊可奠心神

今歲新詩少年除三百篇到家誰與偶出路不盈千

歲今

欲至雁宕亦未果

海澗難通雁

海內故人至年除間有候問今歲則絕無

河枯不擊

鮮惟慮梅信早索笑向檐前

祭詩後與兒孫飲屠蘇酒戲作

今年祭先生不復讌新客惟因斟屠蘇先與幼兒食

孫年四歲母已死生隔三更聞啼呼夢見母顏色昨孫  
年十一少卽有性識欵斜書小篆時復露戈戟小彪年  
十四頗復肆頑劣近稍知對偶粗可就程尺符孫年最  
長經史亦涉厯惟成文一幅紙必數番摩謂茲爲肖子  
我已愧先德謂此盡不才家或尙能克西鄰有衰變年  
已七旬偏半生疲道路老尙艱嗣息謂蔣表我雖慙五  
柳尙有子可責無云年歲儉近已布扉扉臺前曝濕薪  
厨下洩餘麥祖孫三五輩日昃聊自適誰餉菟一肩剛  
逢小除夕

除夕作

殘臘猶餘瑞雪浮年光驚與水同流三生夢裏雙紅燭

更生齋詩續集卷七

七

十載愁中半白頭此境最宜于日酒幾時同泛五湖舟  
衰齡耕鑿無他願祇望平田麥有收

更生齋詩續集卷八

陽湖洪亮吉著

戊辰元日發筆

六十三翁鬢已皤十年且喜住林阿  
心情敢向人前嬾  
骨肉偏輸地下多  
緘口怕經談虎市  
謀身容理釣魚簑  
青苔一色連  
館不問門前長者過

人日寄唐通州仲冕

長沙仙吏最風流  
遠宦今居東海頭  
我亦江南老詞客  
蜀州詩就寄通州

哀鴻聲裏滯鄉關  
請吏今年偶未閒  
絕憶翠屏洲外路

更生齋詩續集卷八

一

半宵風雪上譙山

去年人日夜  
半始抵焦山

長飢仍復值偏灾  
人日茅堂未敢開  
不放袁安雪中死  
洛陽賢令打門來

時刺史約修通  
州志用戲及之

朱方伯勲招飲即席用趙兵備翼韻奉贈一首并柬陳

司馬玉麟

一樹梅花訂古歡  
卅年高會續長安

方伯及座中陳司  
馬皆三十年西安

舊交

紙窗竹屋連番雪  
玉宇瓊樓此夜寒  
客至最憐情  
似舊春來已覺夢  
無端闌干影外雙  
紅袖白髮詩人耐

久看

司馬眷烏衣橋西王  
校書曾徒步過訪

元夕與朱方伯陳司馬步月至橫舟亭

森然松竹間樓臺  
大地春光喜復回  
淡墨澗中魚欲出

粉紅牆外燕將來無邊麥隴關心久是處梅花記手栽  
仍喜過年腰腳健暫同明月影徘徊

廉吏可爲不可爲二章爲楊州守奮賦

廉吏可爲千山万山兮卒得脫歸

君以總督李侍堯案牽成新置後以作吏

有聲得救回楊園之道可以樂飢池館左右兮壽期頤噫吁

嘻廉吏可爲

廉吏不可爲廿年卅年兮窮至無所依厨無殮饗兮祭  
無牲犧憂同范史雲樂無榮啟期羗臨命兮仍質衣噫  
吁嘻廉吏不可爲

酬查文學雲桂兼柬袁秀才廷吉

查生年四十不厭臥蒿萊屬此憂時際先抒用世才夢

更生齋詩藁卷八

二

中零雪霰袖底激風雷吾儕眞多士袁絲復後來

山房梅花下獨酌

幽蟾落未遲翠羽來何速先作滿溪紅未抒全樹綠輕

颺淺笑無不工朶朶豔入杯中春幡小把東風試隔

院綠珠尤絕世

時澹香堂綠萼亦盛開

初六日西廟偕縣侯放賑詩

朔日即雷雨

朝噉射堂皇四牖條已開鶉衣百結人戶外先裘回朝

飢實難支聞賑肯後來所喜麥氣青原田亦母母郊圻

十里間菜甲先抽臺縱乏澗底薪已長門前苔虬松雖

髡鉗燕筍先胚胎庶幾三日霖更震百里雷平原春氣

蘇餘事觀桃梅

十日

十日心期滯雨暘半宵纔喜放春光愁中碧月催人老  
身外浮雲笑我忙已覺壯懷消酒陣不妨餘力付詞場  
旁人漫詫才名艷尙愧無雙江夏黃

謂黃二景仁

登太平寺浮圖

薄醉閒來倚石幢佛樓深處酒兵降花光裏塔紅三面  
燕翦穿簾紫一雙十字港中容小刹七層欄外見空江  
尤憐腳底房櫳好竹裏孤僧拓半窗

花朝日借陳司馬玉鄰自紅梅閣至穢舟亭訪花  
五風十雨陰晴徧如夢春郊綠成片小紅樓外客吹簫  
千點梅花雜飛霰經時措意門前柳一半關心梁上燕

更生齋詩續集卷八

三

迤東早詣梅花觀斜北仍開水仙殿東坡去後七百年  
空有石池名洗研無端寒暖分晴雨天外明霞飛 電  
江梅花後放山桃樓閣亭亭變成 多緣客意忙如許  
激得春波去如箭粉紅牆塚露鴉巢糝綠窗紗出人面  
無嫌卅載光陰促與司馬別卅年矣難得百花生日讌桃花米  
比球琳貴柳葉魚同蔬素賤出門烏舅景將斜入饌龍  
孫津欲嚙花前百匝猶難捨桑下三周恐生戀須眉未  
變僧驚詫要腳轉輕人健羨明朝準擬文杏開快意先  
爲塞鴻餞

十六日同人洗硯池雅集

三度郊行未厭遲兩重門外漾晴絲閒繡天際烏雲帖

小坐蘇家洗硯池

危亭三面受風徐萼綠華來尙步時綠梅尙未謝占得春波

碧三寸柳絲如線縮遊魚

屋角薔薇已半開梅枝零落點蒼苔所思尙在斜陽外  
胡蝶入門人不來

重陰漠漠霧漫漫睡起繩牀未厭寒偏是春魂有分界  
遊仙夢不上蒲團

漕河春半語聲喧西上征帆東逝川一晌呼晴復呼雨  
鶉鴝巢外月輪圓

任他新柳門腰身人影衣香罩麴塵正好水明樓外路  
冥濛一樹轉烏春

更生齋詩藁卷八

四

贈紅梅閣道士徐浣梧

柏檜形何峭青牛古觀前萬梅成幻影一鶴下眞仙畫  
木方離手琴囊恰及肩道士能彈琴及詩畫京華話疇昔我亦直

三天道士曾入直光明殿

杏花

十日池塘草色鮮牆頭屋角一枝妍春人未醒月初墮  
燕子乍來花欲仙根節自零苔蘚雨陰晴難定鶉鴝天  
慈恩舊事吾能識錦樣風光接禁煙

奉酬陳學博石麟山陰

學署至府山相去僅數武飲我信天巢惟君成地主三  
江閘外桃花村紅艷欲斷春人魂欲來不來春已改來



看白荷花照海

桃花

怨緣愁紅正此時東風作意漾晴絲夢醒時灑鶉鴝雨  
態倦欲扶楊柳枝情味一生如中酒韶光三月欲敲詩  
誰知樓閣冥濛內別有春人病不支

詠海棠

西壁有紅色殊非夕照光好春餘而月空谷炫晴妝獨  
立豈無意先時亦斷腸出牆花數朶猶是壓羣芳

雨後作

雨光青處斜陽黃襯得小桃紅滿牆小桃才開又將落  
頂上雨聲如落雹闌干十二春融融夜漏欲盡聞疎鐘

曙光不紅花片紅明日步履香東風

天上老鴉歌

天上老鴉飛出海樹上老鴉啼不改直須天上老鴉紅  
照徹樹樹鴉巢空天上老鴉纔一隻地上老鴉鋪地黑  
林鴉却把天鴉看汝倘不觸熱我亦休啼寒君不見直  
待天上老鴉西沉不東出地上老鴉聲始絕

春分日久坐卷施閣

小閣經時坐陰晴百徧呈電虹分夜色花鳥定春情夢  
覺金烏墮窗疏玉李明何須更開卷奇思已縱橫

春日放歌

日采入地花光浮天二十八宿飛金錢紅闌干前玉兔

眠一日十二時玉兔眠已足如何火珠盤又見赤烏浴  
赤烏浴處天雞鳴天放一日花朝晴緋桃赤烏相間紅  
玉兔玉李光凌空西王母向天公借欲使萬花長照夜  
百花生日百艸芳欲以何物酬東皇羣仙商畧貢異香  
壓盡人世迷迭兼都梁九點烟外九縷浮青光

春分前二日至前橋上家

一歲三回謁墓田老年筋力尙如前童孫幼子都依隴  
翠柏蒼松漸障天十字路邊停蠟屐七層塔外聳吟肩  
尤欣天半雲霞好化作春林桃李煙

寄汪司馬端光廣西

九載南行感逝川無端海外又驚傳蠻江忽報沉文考

更生齋詩續集卷八

六

遠道誰能及武緣到處新詩千首富別來涼月百回圓  
雲谿春水迢迢綠何日重遊書畫船

耕牛

平田一頃事春耕滿背淋淋瀉雨聲脚下馬蝗頭上鵝  
尾稍仍有鶉鴝鳴

牧羊

漫把蘆笙漫著鞭牧童行處草芊芊菜花黃外春波綠  
日暖青羊抱子眠

山雲連日

山雲連日護妝樓鏡影全將綠樹收一晌捲簾看曉色  
桃花紅上玉人頭

曲廊深戶罨年光  
夢境嫌無昔日狂  
日午小眠眠易醒  
游絲拖雨上匡牀

手種白桃花今已盛  
開感而有作

種桃人已老  
忍復看名葩  
豔到春無影  
宵疑月欲華  
偶然呈素質  
莫更認空花  
幽意誰相省  
殘梅隔絳紗

時瓶中綠

梅尚未盡落

紅白桃花下飲酒

我家紅白桃種向桂林北  
今歲始盛開  
緋紅間純白  
一枝界北墻  
一枝垂南檐  
亦如鴟頭女  
兩小無猜嫌  
枝頭垂遊絲  
枝下生綠葉  
倘非房廊深險  
與人面接白者待明月紅者酣斜陽  
恍如日月丸墮  
此紅白旁一枝須一

更生齋詩續集卷八

七

杯一樹須一斗  
東皇驚我老  
花下搔白首

又詠桃一律

花白者藥微黑

黑藥都應出劫灰  
結根偏倚綠莓苔  
前身東國梗猶泛  
舊主西王母不來  
入世未嘗知帝漢  
懷人仍欲入天台  
花遲未是超凡種  
天上露桃先已開

新霽

一望迥無邊  
三更簾幕前  
花魂全抱月  
波影半含煙  
閣暗飛山鵲  
瓶寒落水仙  
詩人風味好  
清切此孤眠

殘月

殘月原非暗  
羣星本太明  
偶然金虎見  
頓使燭龍驚  
墮雪春無影  
奔雲夜有聲  
憑誰泛槎去  
先此問君平

送友人至錫山讀書

挂帆直至寺門前，精舍東西樂靜便。  
鬼語暗嗔人小立，燈花紅笑客孤眠。  
萬竿竹伴參禪侶，九子山成負郭田。  
他日草堂成捷徑，莫將簪笏傲雲煙。

雙峯書屋海棠歌卽贈莊上舍關和

一株花染一院紅，四十載上搖東風。  
看花人老已非昨，花榦尙復矜春容。  
池堦忽憶初栽日，花與客皆長八尺。  
論交半世貌已殊，花面轉紅人鬢白。  
君不見鄰西櫻桃，花輪爾對鏡勻鉛華。  
又不見墻東木瓜樹，遜爾凌波欲微步。  
一花開處一蝶攢，胡蝶久已飛成團。  
珊瑚作架瑪瑙盤，復作塞外焉支看。  
時榮時瘁那可知，相訪却值春陰時。  
千花照徑不須燭，樓閣上下光參差。  
幾年門閉春風裏，花裏書堂亦將徙。  
看花轉憶花下翁，腸斷鄭家通德里。  
四十年前曾與秀水鄭先生虎文讌賞其下今先生下世已久後嗣亦頗不振

過花南竹北山房有懷莊刺史炳

客遊凡幾度，主尙未歸來。  
竹已侵書案，池空築釣臺。  
幔虛藏凍雀，磚裂迸春雷。  
他日朋簪盍，都應昵酒杯。

讀鬼谷子

乾封縣左嵩 口鬼谷先生本烏有，飛鉗掉闔誰所爲。

蘇秦此時方下帷，書名始著隋唐錄。  
我意尙非蘇季作，文辭卑婉似六朝。  
所以兩漢無傳鈔，談天說地爭奇詭。  
戰國時人半仙鬼，十三篇義尙可詳。  
大九州說非荒唐。

上巳

袂日卽今朝嚴寒尙未消上梯泥滑滑攀樹雨瀟瀟鴉  
黑黏松頂蜂黃蟄柳腰鄰西玉桃好花雨亦驚飄

雨坐

鴉咒雨鳩喚晴雨脚外桃花明雲叢叢向東走電飛升

月銜斗

初四日

朝霞紅豔處萬樹濕光飛凍雀棲花幌潛鱗曝釣磯何

應成令序渾不稱單衣隔歲山門洞風光已迥非

去歲三月

三日在甯國山門洞

雨夜卷施閣獨坐

更生齋詩續集卷八

九

萬家門盡掩空霧占乾坤是處無行跡千花有淚痕墨

光團粉鏡銀蠟照吟魂一卷參寥集空教滯酒樽

寒食卽事

紙鳶聲裏日初長無數遊絲礙眼光一徑綠先迷去路

萬花紅欲奪朝陽新巢紫燕依然客別路斑駁爾許忙

偏是春人惜春去上樓愁換袂衣裳

清明卽事

如何一萬株楊柳總在人家屋瓦邊曉夢尙隨雲黯淡

春衫都門燕踟躕幾多野水欲爭地無數紙鳶思上天

誰識東皇有深意不教紫陌便飛綿

獨坐待蔣氏昆仲

坐來春氣已氤氳却展蓬屏待此君洗硯草心霑墨雨  
入欄花面似紅裙仙遊屢被雙成誤幻夢偏勞百和熏  
索莫小樓人不見忽從鏡裏望生雲

寄兒子飴孫兼柬劉嗣綰陸繼輅孝廉

幾年頻北望一月水西流畢竟春官第誰符越國謳土

云水西流則里中必有登上第者丹黃雲欲染青綠樹俱浮畫出清明

景村村喚雨鳩

十二日卽事

正是傷春夢雨天小池荷葉已田田人閒別有崔徽宅  
不種榆錢種苜錢

入門剛欲數疎星忽地輕雷隱畫屏何止月殘歸路黑

更生齋詩集卷八

十

百花樓外雨濛冥

十七日復邀同人橫舟亭小集時梨花繡毬盛放

欲雨不雨梨花天欲晴不晴桃李煙游絲入房柳拂地  
日午始起春人眠橫舟亭前一樽酒花面看人人識否  
千枝空白搖東風斜陽壓花花粉紅成團繡毬學雲皺  
花朵障天天若繡上樓青綠已塞門不放紅紫銷人魂  
花前未及千回走何以朱顏忽成叟尋春縱晚興益濃  
不遣綠酒樽中空趙生達者意亦顛十日九醉春風前  
君不見春風送客花千片更喜團欒月當面

十八日卽事

名園先已逼春城繡陌垂垂細草生樓下百花樓上月

不妨梁燕話三更

幾度簾前學賭茶那知春事已如麻牡丹勺藥均無色  
墻角新開姊妹花

將抵江陰先柬黃大令鶴

殘春景物最和柔乘興聊爲百里遊千古此江稱海汊

使君從政自風流花封似轄東西縣

君現攝江陰又奏調常熟二縣實履

尺雲氣先排十二樓且向琴堂話疇昔挂帆仍欲詣通

州

十六日武廟偕新縣宰馬紹援放賑卽呈縣宰

飢民厭長飢日日詣官府爲歛萬錢衆拯茲一方苦清

晨廟門關十十兼五五僧有香火綠官眞粥飯主軍營

更生齋詩集卷八

七

武堪囁胥吏文不侮

放賑日例邀軍營官以備彈壓

災黎所餘資兼以

分郵戶宰官新政肅觀者植如堵所欣原麥茂藉以代

秋黍日午官長歸輿前頌聲普

黃大令鶴招集古梅今雨山房雅讌

琴堂深處枕書眠小憩紅橋綠沼邊榆莢亂飄荷樣小

使君清到不名錢

古梅今雨山房好却倚山城北堞樓莫道小池纔一曲

門前江海已雙流

花花葉葉滿疎汀宛轉橋西結一亭深水不知鷺用力

撇波雙足幾曾停

賦得花面同人面爲友人作

花面同人面含嬌十五時比肩窺曉鏡並影入春池豔  
覺林禽詫愁應海燕知雙文近多病意見轉參差  
花面同人面偷窺碧月圓錯疑三婦豔新訂一宵緣指  
瘦琴心識眉愁鏡曲傳願隨花與月齊上五湖船

黃大令掃徑圖

長身如雀來何遲松下得閒停少時掃除一室匪細務  
一世事業基於茲愛松兼學松身瘦更縛松枝作長帚  
砌下先堆彭澤花門前合種先生柳折腰主人情益厚  
爲我花前置樽酒酒酣忽憶舊頭銜我亦三天掃花叟  
又題梅塢遲月圖

月遲遲星皎皎一樹梅花凍香少主人不來來必早遲

月遲花遲舊好舊好如落葉占斷東西溝新知如繁星  
來此河漢流舊交語新知相識何參差主人不言有所  
思立盡雪月交輝時

閉門索句圖爲陳茂才增賦

今人立門外古人立門裏今人見卽忤古人見卽喜古  
人束之不使出一室唐宋元明聚訟不得歇今人拒之  
不使入一任扶牆摸壁三更五更門外立不學秦少游  
揮毫對客句未遒亦不學陳后山一旬二旬常閉關有  
時避客掩戶臥北斗七星牀上墮忽然奇光異采發四  
鄰雙眼瞪如圓月大天龍時時下窺棟雷公電母兩師  
風伯瞬息亦隨踵往往搜奇入毛孔偶然好句落筆頭



奇鬼來攫聲如牛神茶鬱壘攔不得就近欲使天公愁  
直須飛梯百尺繩百盤墻外擲與遊人看世人見之伏  
地不能起任爾壓張燕公蘇許公韓潮州柳柳州王楊  
盧駱李杜高岑及王李從此千門萬戶曲廊深室一一  
悉洞開一任天神地祇日月星斗以迄一世隨時隨地  
相往來

大風上君山絕頂望孤山借黃大令崔陳茂才增同賦  
平田千步行始完百步沙礫升噴嘖嘖對面一山出  
似欲飛渡來江干孤山壁立截江住欲挽滄溟向西注  
却怪金焦兩點山樓臺松竹皆東顧江南江北界已分  
狼山福山成海門飛帆我欲至東海喚起碧月圓如盆  
陳生怪底詩思狂薺菜百頃山前黃無雙江夏推黃郎  
與我蒼蒼談斜陽山前直下坡陀底篳篥聲催入城裏  
我獨推蓬望遠山馬駝沙上孤煙起

黃泥菴

偶訪黃泥寺偏多白足僧水波圍四面松竹立三層獨  
鳥巢低覆乖龍氣上蒸夕陽猶未下已有塔頭燈

將抵通州先柬唐州守仲冕

斗大山城入望中遠書猶喜得時通折殘岸柳三春綠

來看樽桑初日紅未必塞鴻知北事

時有北人附舟

且同檣燕

話東風明晨擬上狼山望論世方知眼界空

泊舟淺港候潮

到來雲氣已濛濛  
忽遞狼山脚下鐘  
怪雨入廊驅鳥雀  
惡波浮岸孕魚龍  
離家餐飯加三勺  
入海樓船落半篷  
天末故人知健在  
料應遲客到高春

海上明月歌

東海明月黃西海明月白  
明月色總同海水分五色  
天河清淺魚浪遲  
欲吸海水成天池  
月裏浸此扶疎枝  
金仙玉兔照影常多時  
月光蓋地不蓋天  
月色暗處浮青煙  
轉藉北斗光天邊  
麻姑不上天  
月姊不出月桑田  
滄海祇有長爪知  
月姊止憶鴻濛纔  
啟日日月合璧星聯珠  
雙丸五曜天上會  
合須天符亦如織  
女作配牽牛夫一歲一會亘古期  
不殊君不見夏后羿  
投鼠先忌器  
鸞

更生齋續集卷八

西

弓思射月先恐玉兔斃  
是以九日射落一月浮  
青霄握矢不敢發  
投弓每號咷  
縱怨月姊不敢讐  
天公百計刻薄祇使弦上弦  
下缺月彎如弓  
東王公西王母一老翁一老姥  
蓬萊占得千萬年  
不遣蟠桃會上羣  
仙得常預雷公飛電母  
馳呼風伯勅雨師  
問以天上事一一皆不知  
天神界限一間不得達  
乘風飄忽將何之  
游行一世間  
欺此民蚩蚩  
有時肩聳欲直上  
被此天門仙尉各各加鞭笞  
縱然仰丹霄  
不得叩玉墀  
蒼蒼冥冥以上別有主者司金童  
玉女會晤終無時  
我欲大笑三十六洞羣

仙癡

舟行

行盡江邊歷海邊濛濛細草欲生煙  
舵樓夢醒忽西望  
十里小桃紅潑天

李家港陸行至雲台山

幾點星光鬥日華  
乘車無異泛浮槎  
半程路欲快朝飽  
一海水驚翻夜叉  
蟬螭赤占今夜雨  
餘蘼黃綻昔年花  
文園病渴新來甚  
可許先嘗穀雨茶

遇隙有憎有懷朱方伯勳兼柬陳司馬玉麟

二君並約同至焦山

暑避

花時同約訪禪關  
閣上參寥六曲欄  
殘月光猶吞大海  
故人夢已占深山  
浮蹤未比春雲幻  
閱世誰如老雀閒  
莫被西湖強留住  
却教游屐與闌珊

更生齋詩續集卷八

五

內河阻雨

上車天乍晴下舫天乍雨  
天公眞愛客不使濕艾履  
蓬窗兀坐睡思生  
卽景閒適詩皆成  
雨聲蕭蕭泥漉漉  
初聽吳娃北江曲  
更製吳歌教娃娃讀

唐州守仲冕以九月八日初度因繪滿城風雨近重陽

卷子索題爲賦四絕句

君少余七歲余生日較君先五日

七年君比樂天小五日  
我慙履揆先猶憶綱師園外路

君初誠余曾招集吳門綱師園

對牀風雨已多年

繪圖君記九月九訪客我來三月三  
欲趁殘春更修禊

接天海水正拖藍

時三月廿三日

催租不敢到琴堂  
索句憑君踞隱囊  
管下詩人須料理

莫教赤幘入江鄉

江波轉處是柴桑送酒人來亦渺茫一片秋聲城上墜  
欲從畫裏過重陽

通州書院呈張侍讀壽

先生開講席海上有詩壇夢裏餘青嶂指敬亭山門前生紫

瀾蠹魚三世業吠蛤六時餐難弟歸何晚長安住較難

謂令弟徵君炯

三月廿三日通州偕張侍讀壽趙署守懷玉陸上舍鏞

遊王氏園亭

何處林亭得靜便清郎別墅泮宮前園花作意思迎客

坐雀修翎欲上天閣小未妨排燕壘池寬先已占螺田

更生齋壽集卷八

六

半生良會真無幾一醉高齋又兩年甯國府署高齋落成與侍讀醉飲其

上今又二年矣

天甯寺禪房久憩

竹徑行完荀屐香得閒仍集贊公房案頭一塔支天久

門外三江入海忙掃壁未妨留草聖壁多王孝廉元昆墨蹟門茶

先欲酌花皇時牡丹半已開誰憐千佛名經好講舍西鄰選佛

場寺與書院咫尺牆上多黏諸生甲乙榜

廿四日自通州南門至狼山道中作

嫩晴時節出南關逸興先將風雨刪萬樹梨花欲吞海

十年螺蛤竟成山閒中舊夢仍迢遞天外孤雲與往還

尤喜近郊墟落好小橋流水自成灣

登狼山

山形如石帆跨海欲東出江潮攔不住倖有海門扼江  
波揉綠滄溟黃天外一髮通扶桑金烏玉兔飛走何太  
怙似訝石腹藏天狼石石欲上天石石悉離地馬鞍山  
脈接此山似向胷前出長臂昔居東海中今立長江頭  
蜃樓海市倏忽不及見夜夜吹蛤喧山陬欲砌山南途  
卽采山北石磴道盤空出山脊君不見山形萬仞塔百  
尺海上巨鼇支不得何況浮雲本無力不然天風拔起  
瞬息不得停飛作大海南頭化人宅

伏魔道院看牡丹

世外神仙窟人間富貴花豔疑垂螭竦紅欲奪袞袞盆  
貯殘冬雪園收穀雨茶山人齊問訊驚我鬢初華

更生齋詩續集卷八

十七

白衣禪院贈惟一上人

七十三年過枯僧最解禪面疑瓜乍削心與月同圓食  
仿無遮會居真不繫船更無經世意獨酌在山泉  
支雲塔觀海

雲亦能支塔先看塔下雲百盤飛磴峻五色采霞薰海  
結雷霆陣江浮鵝鸛軍天南青一髮黃欲入斜曛  
護生菴

及至門前看山奇樹亦奇須肩皆嵌骨腹背僅存皮杜  
甫鄰堪結楊朱路已岐欲歸歸及早飛雨出疎籬

老人峯歌

門前老人峯端正視東海鴻濛遠今日頭鬢白難改一條石脊如雲奔似欲出江趨海門麻姑畢竟近世人祇見東海三揚塵君不見潮生潮落何時斷此石不曾離海岸地闢天開親眼看東海塵揚已無算

護生菴古槐歌

拔地三十尺腰已將升天忽然復下垂低俯墻及肩潛虬枯渴思飲泉頭角下瞰澄潭邊滿身落蘚作鱗甲跨下好花紅欲然東西一曲復一直拔地倚天神有力分枝不宿今世禽挺榦猶涵古時雪或者三天虹下伴虛堂僧枝梢時死復時活夜半來剔長明燈心空骨冷經年載閱盡枯僧幾人在終當挾此墻堵飛激電奔雲走

東海

車螯

異種纍纍出海邊嶺山東去接螺田品應野客唇同俊味與西施舌鬥鮮徵族自居殘膾上持螯偏在落花前銀鱗玉骨無消息此味居然壓客筵

唐州守潮平風正圖

狼山與福山江海此門戶風便半日程揚帆卽飛渡來從早潮去晚潮來往帆脚時申腰

吳諺云千搖萬搖不及蓬脚申腰 蘆

花萬頃不生浪風力靜與蒲帆調先生久宦江南北早與江神作相識吳娃雙槳去若飛不向江心候風色我從謙公山時望東海頭桃花盡處見一州龍氣時與雲

光浮君家南岳山前好八百里湖生樹杪夢中歸路爾  
許長一角楚天青欲曉

如皋道中

日午籃輿走雉皋暖風初見漾魚苗錫簫聲裏楊花糝  
過盡紅闌十二橋

平岡高下草芊緜矮屋疎籬並及肩一晌東風謝披拂  
倒吹麥浪上青天

靖江斜橋鎮外一路沿新開河入城卽東朱方伯勲

河爲

方伯居里  
時叔開

一出斜橋鎮春流雜水泥村同萬人聚岸抵一成坯

兩岸

積土甚高皆濬  
河時所堆也

新雨綠生沼野花紅滿堤朱公種魚處

遠勝習家池

落花

碎紫零紅逐逝川十分開後已難全何如但學風中絮  
化作浮萍箇箇圓

二十七日抵江陰牡丹正開時黃大令已詣白門哲兄  
明經杰張燈宴我花下喜而有作

夙約看花到下旬片帆飛渡及茲辰左江右海地雷客  
十雨五風天饑春欲護好憑雲作障乍飄已覺月虧輪  
休嫌老去情懷減秉燭偏能學古人

偶成

前身天上星再世水中萍柳絮原來好三生業已經

廿番風信後百卉事如麻繡出三春景都應讓菜花

繡毯

名園春盡始齊開葉葉枝枝費翦裁千縷繡成銀界畫  
百花園作玉樓臺記從粉蝶爲鄰久欲向明蟾照影來  
貪與詠詩人白戰露涼風細久徘徊

憶家中牡丹作

夢裏晴紅恐未真迢歸剛喜及芳辰竟攜東海團欒月  
來照南樓綺妮春富貴偶然呈幻影池臺著意與傳神  
尤欣一陣簾纖雨花避驕陽客洗塵  
抵家日牡丹僅有紅紫數朶

不許尋常風雨侵別裁錦幕護深深裝成一尺春風面

更生齋詩續集卷八

二

費盡千秋作者心豔極更須名紫玉貴來欲與鑄黃金  
雲堦月地春如海好爲花時惜寸陰

三月晦日牡丹尙開招同孫封翁勳以下作餞春介壽  
之筵率賦一篇邀同人共作

并小引

時封翁年八十陳大令賓蔣少府廷耀年七十劉宮  
贊種之年六十九趙上舍丙年六十四朱方伯勳瞿  
兵備會輯年皆近五十惟大令以事不至賓主共七

人

七人四百四十歲上自八旬逮五旬高會固應追九老

此花剛喜殿三春家因近海魚同嗜

是日編羅海鮮

交到忘年

酒共醇只有潁川期未至德星聚處少茲人



近園看藤花

朝曦偏稱酒顏酡小築真同安樂窠雙樹影纏雙紫緜  
一叢花襯一青荷池臺入午團成錦鶯燕喧春織若梭  
尤喜藥欄消息近蒲蘆應復點晴波

新綠

南樓一望渺無邊葉乍新鮮花乍萋草樹數層纔過雨  
水天一色欲生煙青光迢遞穿林隙碧玉玲瓏照座前  
欲買韶光與誰計榆錢飄盡又荷錢

題蔣同年純裕遺照卽當輓章

江南本水鄉此縣卽淵藪三江五湖內復有四河口君  
家門前交四河紅闌綠樹生微波銀桃金粟香滿柯君

更生齋詩續集卷八

主

於此時先發科君生七十年松亦一千尺采閒習靜門

不開松下曾無一相識我初締君叔亦復交君朋

謂孫淵如

君時讀書松樹根惜未一詣君之門君言生世偶然耳

可生卽生死卽死知君明悟絕等倫不佛不仙成處士

冊年不出依所親一出已死無爲軍

君就養令嗣無爲州廣文署君

心戀松松戀君魂兮歸來松頂曛君不見君顏雖辱身

則壽疾病支離竟成叟哭君仍欲向河瀕四水交流鳴

咽久

廿二日曙

兩株楊柳倚門栽拂曙班駝踏露來朝日射窗人始臥

夢中紅藥忽齊開

一重門掩一桃符六曲闌邊有藥爐病起自憐餘瘦骨  
故泥金粉寫麻姑

立夏

立夏鱗魚入饌來仍須夏至有楊梅時新節物催人老  
又見池蓮小暑開

管上舍遺珍瞻帖圖

古言遺腹子夢不到家公形影雖難做神明本自通艱  
危憐母共孤露與兄同

君從兄漕督  
幹珍亦少孤

無限傷心淚高山

入望中

舟行平望值雨

乍漏朝陽影難平風伯顛如何一谿雨祇濕萬家煙檐

更生齋詩續集卷八

三

瀑斜穿屋雷聲遠在田遐瞻較清切平望寺門前

泊舟訪翁秀才廣平

展殘書卷復哦詩正是平林飯熟時却卸半帆成小泊

三家村裏訪經師

越桑歌

越中人家十萬桑遠勝宛洛千倉箱持梯上屋取遠場  
桑下十畝蔬花黃采桑歸來蠶已育一女飼蠶嫌不足  
與蠶同餐復同宿一男耕種一女絲阿母不復勞晨炊  
十日門戶先支持采桑日日來平疇不識駿馬知羸牛  
羸牛尙堪耕駿馬祇出遊蠶行作繭菜作油繭既不上  
身油亦不上頭飼蠶甫罷扇妝樓任爾門外迎龍舟君

不見苧蘿村裏多奇色近解齊家昔傾國早與西施洗  
羞澀又不見東鄰有女西鄰謗南家女長婚北家但令  
織素不浣紗何礙越女顏如花

四月十八日展放半賑卽呈縣宰馬紹援

青黃不接時竭力展半賑朝四而暮三狙公恐生愠所  
欣期會日麥隴早蘇潤荆襄和米集稍覺舒困頓丁多  
生計拙頻致賢宰問殷勤稽簿籍虛或有牽溷哀多益  
寡中輿情覺甯順濛濛時雨細雲復布朝陣屈指鼓腹  
期當于月之間今歲閏五月

道中見有收大麥者喜而有作

小麥葉尚青大麥葉已黃相距止二旬二麥咸登場天

更生齋詩續集卷八

三

公仁愛心欲潤飢渴腸黔婁本貧家所苦不自量隨人  
捐粟絲已反缺餼糧置身賑局中自顧轉不遑油衫及  
乾衣兼此備雨暘飢黎氣將蘇客子反別鄉徑買一葉  
舟連宵走蘇杭

春船

春船買柔桑夏船買新絲亦如子母錢相離不多時草  
枯可作螢桑柔可生繭無知化有知倏忽形已變螢火  
照簡編代此秋土燭蠶桑作羅綺以抵春女服乞火不  
入鄰家坊假衣不到鄰女房人言造化奇莫測我覺天  
公巧無敵他時天上牽牛星耕盡世間阡與陌

抵西子湖

昨歲元宵節先尋西子湖今來攜畫舫均已換桃符入  
曲花光暗三郊麥氣蘇天公眞解意晴色上浮圖

自松木場步行至德生菴

愛客祇有湖頭山十里迎客來新關滯人只有湖上灘  
一灘沮淺復一彎我嘗居湖頭已熟湖頭客此遊問我  
何太遲燕子桃花屢相憶君不見冬禾盡殺草亦刪欲  
出苦被飢民攔此回頗喜春波拓小麥平疇已將熟新  
紅不看看新綠飽啖櫻桃到湖曲

湖堤曉行

一片光明錦裁成西子湖嗅花嫌蛺蝶亂筍厭菱蒲白  
木詩人舫青縑道士符最憐佳節近角黍滿筵鋪

題楊公子夔生樊桐山館吟稿

偶然排五指已現五丁山花鳥方裁句雷霆猛斂關畧  
嫌方寸悴不使片時閑欲浸詩魂潤西湖水一彎

理安寺方丈際風乞題其開山祖師通問所立條約長

卷後

通問于明崇禎四年親書條約  
國初順治四年方示寂

簪菴龍池僧

俗家

宜興來主虎林刹虎林六大寺惟此極軒

豁盤盤松萬仞石徑窮一髮禪牀方入定天柱忽然折  
屋頭飛海水地軸亦崩裂惟應長明燈不隨劫火滅留  
茲心上偈殊異口頭訣應眞凡五百一 一就戒律何況  
粥飯僧不值棒相喝一百六十年空門代傳七猶能餘  
墨瀋點畫出波磔際風方外友畱客榻先拂云君詩冷

重截若一方鐵乞題三百字永與鐘鼎將我觀空中花  
四照亦四徹百年會一瞬捷比電光掣塵揚東海處久  
已種麻葛吾儕達觀久眼若箕斗濶惟頌過代僧不禮  
三世佛

自西湖至理安寺道中雜詩十四首卽呈際風方丈

出門一片漾湖光破曙先欣草木香却到理安剛十里  
石泉聲裏挂朝陽

約伴東頭去采茶便粧先已洗鉛華桑麻影外樓臺好  
轉勝沿湖十里花

南北高峯氣尙冥渚花黃已過前汀雨光上嶺雨聲下  
觀得水樓東面青

更生齋詩續集卷八

五

勺藥茶蘼已斂芳滿林新綠透踈香蘇堤半里荷如蓋  
已有菱花綴小黃

雷峯巾子峯頭塔不仗人工仗化工繡得土花纔幾級  
門晴門雨水光中

茅菴時復露繩牀草路微濛有濕光浸得下弦殘月滿  
水花木鳥共方塘

荒祠廢壘門空花莫更頻誇雨露華畱得故侯墳豆好  
薦新合配上林瓜

俗名王墳豆

兩年頻復訪僧扃南北岡彎屐屢屢停  
响寺樓風色峭

松濤聲已刮南屏

衣香葉葉罩山泉礙襪偏多紫杜鵑何似老僧衣壞色

百花叢裏證枯禪

新筍稜稜欲劈門不知誰可具盤殮何如且趁雷聲去  
濕菌先搜古樹根

一春將盡事如麻采罷桑柔又采茶指爪不閒頭尙綰  
髻邊隨意插新花

酒市新移五柳邊食單偏逐歲時遷何如宋嫂魚羹好  
占斷西湖六百年

日午湖頭樹影圓東西簫鼓溢晴川歸風却挂蒲帆峭

只有雲林盞飯船

湖船皆不使帆惟  
雲林盞飯船有之

三月堤成錦繡場桃花楊柳逐時忙水仙王廟知何處  
空裏思焚一瓣香

更生壽續集卷八

三

靈芬山館圖爲郭文學磨賦

客中我識先生久不識家鄰太湖口移家仍復傍太湖  
萬頃靈滌當曾鋪鏡中時展日月燭腕底似綰蛟龍符  
畫師不復施輕粉破屋三間竹干本簾間助校插架書  
中有玉人舒玉筍都緣帳後影延回却惹案頭人瘦損  
門前一派何潺潺銷夏移前灣隔湖雲朶不敢上  
奇氣壓倒支硎山先生詩名溢寥廓只惜無錢買金谷  
但使時飄蚱蜢舟何須定占麒麟閣合并且喜傍黃壚  
巾子峯前酒百壺却憶靈芬仙館裏有人明日換桃符

時端五

節近

鳳墅讀書圖爲梁公子賦

訪友曾來履道坊阿威風度最安詳湖山世業張功甫  
宰相門材李贊皇但使蔣家三徑闌何妨陸氏一莊荒  
余爲山舟先生門下門生披圖清夢居然落十二奇峯鬥鳳凰  
山有排衙石十二最奇

聞張大令吉安五十初度書此代柬

幾年我別神仙宰不識神仙僅五旬一縣洞天兼福地  
半生循吏作詩人東吳百里思前約西蜀三張步後塵  
君在京邸時與遂甯三張並名我望琴堂爲稱慶長官勤政小民醇  
新筍

老僧方穩臥驚筍出匡牀幸是肘間出不然習次傷預  
應畱隙地免使礙新篁日昨聞雷處魚苗爾許長

更生齋詩集卷八

七

訪小顛僧靜室見甫葺屋戲贈一首

傾完百杯酒破盡三間屋屋瓦欲打頭酒魂方瑟縮移  
錢葺屋酒已賒門前日日催酒家明晨出門僧不管欲  
準酒錢輸屋券

秋江載月圖爲嚴上舍元照侍姬香修賦

秋江潮已平高閣夢初醒秋江潮欲落羅衾已嫌薄道  
是采菱辰濃秋勝好春願將浮月艇來載浣紗人浣沙

生世居東越慧質固應塵劫出修到花香已歷時花香

又復修成月姬一名秋月修月何須定月圓下弦弓比上弦

懸銀河清淺思前度金粟分明證宿緣盈盈一片秋江

碧羅襪欲淩淩不得偶值桐江把釣人渾疑碧漢乘槎

客茗溪水入雲溪流比目魚來看上頭欲繫小桃三月  
艇好營燕子一層樓一層樓上三生路猛憶前生後生  
誤大曲屏開花氣深五銖衣薄香煙互福慧雙修孰可  
如不呼碧玉定明珠半愁眉宇峰思趁小極腰肢柳欲  
扶誰家怨鳥成相識何處橫塘定堪憶行徧雕闌十二  
重斷腸花比銷魂色夫婿儂家絕可憐九能名在楚宮  
篇因緣天上人同住消受人間福幾年

湯指揮桓自山陰載酒來招飲湖上率贈一篇

蘇公堤畔傾千盞賀老湖頭到幾時如此溪山供縱眺  
別來風月寄相思才人佐幕羅昭諫儒者知兵韋左司  
天放嫩晴須痛飲水仙祠外柳如絲

贈范文學棠

更生齋詩續集卷八

天

范生吟五字妙欲出意匠不作時世粧釵環古時樣才  
雖越流輩蹤跡苦播蕩十首投贈詩廣陵真絕唱

前歲在揚

州生投贈詩十  
章詞極高古

室女薛月璘銘辭

薛月璘名娟錢塘人吾友郭麐之義女也年十七未  
字卒郭君哀之爲覓地于葛嶺之麓張孝女冢旁葬  
焉嘉慶十三年四月念八也屬爲之銘曰

拳松勺水瘞此穉玉厝舍萬椽骨白同哭我我雙姝義  
媿於孝新土一坏幽局二妙

西湖龍舟篇



一龍戲水復一龍雙龍忽飛明鏡中旌飄蟠螭繳翻雷  
天外夕陽無此紅湖心亭北平湖口襯得三層水楊柳  
一棹驚看竄萬魚龍頭龍尾回旋久平堤日昃生北風  
簫鼓響入南高峯排衙十石似起立趁勢欲瞰湖龍宮  
水仙祠卽龍居殿夜半光明偶然見水中龍謁岸頭龍  
白酒黃雞日三薦天中節屆日午時萬艇如蟻波中馳  
盡排團扇欲招玉手卻怕涼風吹平湖一片燈光墮  
水底神龍敢安臥只有堤南宋玉居時宋孝廉威熙寓表忠觀以居憂嘗  
閉戶不出三更幽夢何曾破湖山勝處築一樓日日采讌排  
樓頭風流祭酒吳錫麟老從事項州倅邀客盡日湖頭遊回  
思競渡喧闐處第一好山名互父一晌鄉園入夢來白

更生齋詩續集卷八

无

雲溪上喧端五

梁侍講同書以重赴鹿鳴詩見示時蒙恩新加學士銜  
率書四章奉賀

一週重復赴賓筵綠髮青瞳玉齒堅漫說阿婆將九子  
轉疑王母會羣仙重尋筍綬心應懶乍插宮花興欲顛  
我亦禮闈逢盛事記蒙元老說齊年庚戌登第直稭文恭重赴恩榮講與

一榜進士認先後同年

林下居然五十春菰蘆夢每憶楓宸朝端久已無前輩  
座上誰堪作替人九日乍斟新釀酒三天仍念舊詞  
臣西清諸老皆銷歇闈苑真難步後塵朱文正紀文達皆與公同年並

于前辭世

門外時停使者驂歸田重荷

主恩覃頭銜已領端明殿手筆仍追老學庵歲月既閒  
超物表湖山如畫接江南尤欣偕老人無恙對誦楞嚴  
佛一龕

問字車從巷口停門生門下眼蒙青人誇學士先多士

我覺晨星即壽星早共七賢垂信史公自注云康熙丁卯周大相甲午萬

承式西趙世玉雍正癸卯陳克鏞己酉不妨千佛冠

吳嗣富乾隆丙辰馮浩戊午顧光凡七人名經昇平人瑞真難及佇見簪花宴大廷公以壬申成進士再

五年又當重赴恩榮宴矣

酬許兵部宗彥

玉局祠旁尺五亭前歲正月二十日訂交前度憶西冷

在蘇公祠訂交

三

才名第一方三拜樸學無雙許五經海外書同典墳古

指君近日屋頭山接道場青君湖州人寄居錢唐明朝一棹西湖

水天放新晴酒半醒

五月朔日同人集望湖樓看雨聯句

失卻一湖淥惟存南山尖霧露雨雜飛亮吉天水雲相

黏遠波偃荷蓋楊芳燦峭壁掀松髯選勝得小閣郭麐

瞰虛倚層檐汀鳧沒黓黓趙晉雨堤柳搖廉纖鈴菰出

暗艇楊夔孫酒苧飄溼帘當門萬綠卷顧翰鋪紙雙紅

鈴要鑿混沌竅亮吉欲挾謨觴籍干霄句嶢崢芳燦託

波辭安恬濤瀾卷鴻筆麐虹電揮鷺縑灑冒滌風壅晉

函決肯蘇沉店離襪薛荔衣夔孫暑慰愆筭簾篔香厭

新酥翰鮮美漬苦鹽涎垂青頭雞亮吉手斫巨口鮎邊

娑長尾勺芳燦迷迭矮足奩觴急無緩送塵薜熟留餘

燿蘋風拂席起晉竹翠入座添會聚各羈旅夔孫疏

放無猜嫌遊興誰最豪翰酒戶吾能兼墨尿管長衛亮

殿屎憂窮間安得佛光現方燦畧放旭景進時長吏

丙丁帖從寫塵王癸符可掃潭鏡鑄水魄晉瀑練

飛霜鬢莫愁屐折齒夔孫卻厭車垂幘蒲塘喚雙槳翰

蠹簡帖百籤險破唐述膽亮吉快逐奴喝噉危峯辭霞

坼芳燦積塢歸雲淹遠勢極了了馨小言謾詹詹煙雀

叫蒼暝晉沙蛤蛭涼澱防潦修擢對夔孫榮星禱屏

黔相期三五夜叩舳泛明蟾

更生齋續集卷八

臨平舟次夢入南樓感賦二首

閒屏如月啟東風余幼隨太夫人居外家南樓惟臘盡

南樓始回中河橋舊居度歲春正則又至矣十載從親住此中夢裏杏花樓上月依然來到枕

邊紅

紙鳶寒食放墻頭竹馬元宵竟出遊樂事此生誰第一

五龍旋處漾千秋余九齡時雲溪競渡最盛有龍舟五秋千船一

將抵嘉興先柬李太守賡云

日日山青對鳳皇死央湖上又端陽堆盤角黍依然滿

下瀨戈船爾許忙已覺客程忘日永欲從官閣話宵涼

郊原一片昇平景桑柘青青麥隴黃

訪查比部世倏聞郎君新及第率贈二篇

兩處漁莊入畫圖西湖住久復死湖攔門喜事眞重疊  
進士箋題道士符

字寫泥金刷絳紗京卿門第又清華

時小院特旨以四品京堂卽補

窗前一樹紅榴艷此是郎君及第花

早發長安壩

東西湖水湊岸迴欲如浮曉色分魚尾晴光出草頭地  
低飛獨鳥天濶人扁舟百里風帆峭應知抵秀州

端五日月上始抵虎邱競渡正喧喜而有作

初三乍有光端五月纔黃波沸千家宅雲迷七里塘羽

觴隨地集角黍到門香又與西湖昇游蹤趁夜涼

杭州門禁

甚嚴將莫湖上已絕游人若虎邱則又以夜作日不至四鼓不止

更生齋詩集卷八

三

虎邱樓四面龍舸闕三層圓轉身如織空明眼若燈雲

霞光乍斂粉黛氣偏蒸待得歸舟盡天東日已升

吳門龍舟篇

兩龍銜尾來南濠一龍寬處仍打招北濠龍首復高揚  
意欲同趁三條橋大官讌客天中節斟酌橋邊五龍出  
綠浪紅闌爾許長錦標時向波心奪孫武祠連白傅祠  
憑空水馬忽飛馳半程汗灑薔薇雨兩岸晴飛楊柳絲  
空中錦繖排如茵船尾船頭接仍緊翠葆寬旌夾岸陳  
中間空不容飛隼冶坊濱亦無尋處錦繡堆成虎邱路  
後艇前船距不多蜻蜒舟復東西渡金閨兒女嬌無匹  
日旰梳頭出城闕長袖都熏第一香修眉盡仿初三月

團扇如雲障夕陽更牽錦幕護羅裳青酸梅子消微渴  
紅艷榴花助晚粧人龍傳喚初齊集新月斜陽已相及  
一响驚逢意外人船頭人向船窗揖晏公祠外雲溪頭  
歲歉忽爾無龍舟龍舟盡向客中看明午又約梁溪遊  
更番簫鼓更番笛夜半人行尙如織祇覺忙趨七里塘  
都應閒卻千人石

無錫城東看龍舟

時友人貽陳忠裕公集

貝闕瓊樓結束工最憐一棹去恁恂閒繙臥子先生集始  
覺人龍勝水龍

初八夜偕朱方伯勳陳司馬玉鄰步月至元豐橋聽歌

久憇有懷莊州守

折

暨令子司馬達吉

札

時適得州守

更生齋詩填集卷八

三

趁涼行百步卻復倚危橋古巷冥濛月高樓宛轉簫竽  
憐吾郇彥誰似阿龍超

莊司馬小字洵龍

欲寄相思意更闌數

麗譙

絕塞烏頭白陽關柳眼舒我行三萬里君寄兩番書問  
巷推張陸心期比范朱雲谿谿畔水待子意何如

余在伊犁

三月凡兩  
得州守書

喜雨詩和朱方伯勳

天公儻雨粟多恐不滿斛天公儻雨金亨或不至尋何

如三日三夕霖雨下雨粟兩金無此價南頭方伯心何  
仁詩成喜雨來打門君不見酒兵明日欲齊舉不賞龍

舟賞龍雨

又五月五日雨中至雲溪久憩

百道奔流急爭趨紅板橋乍開金屋鎖已有玉人簫高  
柳溪風聚叢祠燭影搖又經蒲艾節愁聽雨瀟瀟

雲谿龍舟篇

白雲溪水清如許忽換祥風及甘雨一萬人家稅麥租  
帆檣盡向溪頭舉麥舟已過龍舟來五月五日窗齊開  
新晴乍展波中月宿雨初圓樹上梅東紅橋接西金谷  
春水居然十分拓雙槳爭飛燕子舟三椽聊賃鴛鴦閣  
蔣通守玉子于吳門  
賈妾欲于閣上合昏樹樹銀花問燭龍更無人處火榴  
紅晨妝競炫齊三服逸客誰誇楚兩龔龔上舍大投暨  
小阮刺史濟美  
並善於音樂 闌干宛轉飛胡蝶迎徧桃根與桃葉一片笙歌

更生齋詩續集卷八

三五

天上來四邊燈火雲頭接水馬吳門騎不如波離層疊

入窗舒管竝別奏春坊曲劉贊善存子  
家曲部最精餼菜新開方伯

廚謂朱方伯晉階晏公祠外將殘月所喜朝霞已先出鷓鴣偏

迎畫舫飛楊梅半解文園渴豐年已變凶年苦閏歲仍

逢閏端五海霧難迷西蠡河江鮮屢送春申浦西湖看

罷死湖再更有石湖弦管碎何意頻開蒲艾觴鄉園樂

事依然在我住雲溪五十年昇平嘉節記猶全杏花仙

館凝眸處癸甲樓臺子午船余八九歲時爲癸酉甲戌  
趙大令恩閣外王母弟也

所居擅雲溪之勝五日前後每于文昌閣外別結絲樓  
選名部奏樂至今人猶憶之稍長則壬午戊子二年競

渡水極盛

廖布衣希聖攜秦淮舟至白雲溪看競渡因邀入水榭

小集卽席賦贈

滿川簫鼓滿川風  
天上船來春水中  
自恐白雲顏色淡  
柁樓斜挂美人虹

時卽將此舟返  
歌者頃刻而至

飛帆日昨下吳頭  
月滿先爲清夜遊  
誰說老夫情味減  
渾如杜牧在揚州

十七日雲溪水榭和友人作

曉霞日昨被溪頭  
三日甘霖始解憂  
畢竟歲荒民戶歉  
六龍城僅一龍舟

新晴無復有街塵  
一曲鶯波兩岸人  
若把鄉園比吳郡  
白雲尖是冶坊濱

衫裳五色凭爛斑  
不遣闌干一响閒  
惹得水禽啼徹夜

四更燈火在雲灣

繡被全堆越鄂君  
捲簾都有異香熏  
如今水榭皆溪北

謂蔣魏諸家  
壓倒灣南舊浣雲

看罷西湖與石湖  
韶光得似此間無  
他時我欲賤風土  
添入雲溪五日圖

舊遊處處悉關心  
絕憶中郎爨後琴  
多謝畫樓雙語燕  
幾番憐我鬢絲侵

寓感

夢多仍入少年場  
短短疏籬曲曲塘  
腸斷百花樓已圯  
更從何地著花王

百合花殘會轉希  
將離仍是影依依  
一雙紅淚一雙燕

同向小樓深處飛

更生齋詩續集卷八

三

更生齋詩續集卷八終

曾孫用勳校刊

07685



